

Referat frå årsmøte i Rogaland Sau og Geit på Nærland Gjestegård 23.02.07.

Styremedlem i Rogaland Sau og Geit Øyvind Bergøy var møteleiar. Han ønskte velkommen.

Leif Matnisdal las opp skriv frå Olaug Vikingstad som var vorte sjuk og ikkje kunne vera møteleiar.

Leiar i Sør-Jæren Sau og Geit, Eirik Skretting ønskte og alle velkomne og gav ordet til varaordførar i Hå kommune Magnar Matningsdal. Han ønskte velkommen til Hå kommune og Nærlandsparken.

Hå kommune er ein vekstkommune med ca 15000 innbyggjarar. Dei har eit variert næringsliv ut i frå primærnæringane. Hå kommune er den største husdyrkommunen i landet og har ca 12000 vinterföra sauer. Magnar meinte at økonomien i sauehaldet må verta betre og var optimist på vegne av sauehaldet.

Innkalling og sakliste vart godkjent.

Leif Matnisdal tok opprop. Det var 8 lokallag som ikkje hadde utsendingar til årsmøtet. Det var Halsnøy, Jøsenfjord, Kvitsøy, Sandeid, Sola, Skjold, Vikedal/Imsland og Årdal Sau og Geit.

Ola Jordebekk, Suldal Sau og Geit og Svein Varhaug frå Sør-Jæren Sau og Geit vart valt til å skriva under referatet.

Tale av leiar i Rogaland Sau og Geit, Sigmund Skjæveland.

Sigmund nytta høvet til å seia velkommen til årsmøtet. Spesielt velkommen til Ølen Sau og Geit som no er medlem i Rogaland Sau og Geit. Det var positivt at Sør-Jæren tok initiativ til å ha årsmøte i sitt distrikt. Nærland Gjestegård er ein ny plass til å ha årsmøte.

Skjold Sau og Geit hadde ikkje vore i drift i 2006. Det er eit arbeid for det nye styret å ta fatt på. Norsk Sau og Geit vert 60 år i mars. For å markere dette vil RSG betale opphaldet for alle utsendingane til årsmøtet dette året.

Berre halvdel av laga hadde meldt seg på når påmeldingsfristen var ute.

RSG gav ein garanti for 50000 kr for at Rendalsbøndene kunne ta opp saka si om beiterett. Det var med stor glede vi fekk melding om at Rendalsbøndene vant denne saka.

Rogaland er i Region 1 når det gjeld rovdyr. Hordaland og Rogaland ligg bra an når det gjeld rovdyr. Sogn og Fjordane slit med fleire slags rovdyr, men jerven er nok det rovdyret i Sogn og Fjordane som tar mest småfe.

Det er vorte sett gaupe fleire plassar i Suldal. Dei som ser gaupe eller spor må melda i frå til rovdyrkontaktane.

RSG feira i 2006 30 års fjelldagar på Island. Ein fantastisk tur. Vi var heldige med veret. I år skal vi til Rauland i Telemark. Det kan verta aktuelt med ein ekstra fjelltur i forkant av fjelldagane.

Kan det verta aktuelt med fjelldagar til Lyngen kommune i Nordland?

Det kan og vera aktuelt å skipa til fjelldagar i Hjelmeland, Suldal eller Sauda eller eit samarbeid mellom desse plassane.

Jordbruksforhandlingane.

RSG laga i år til eit skriv om jordbruksforhandlingane og sende ut til lokallaga og ba om innspel. Vi fekk berre 2 skriftlege og 2 munnlege tilbakemeldingar frå lokallaga.

Beitetilskottet må opp.

Beiteområde som er tomme for sau. Kven har ansvaret for slike område? Vi må ha midlar til leiting og henting av småfe i område som ikkje er utlegd til sauebeite og som det alltid vil vera sau i. Vi har plikt på oss å få heim alle sauer og lam som går på beite.

Vi må få inn friske midlar og sjå på reglane for økologisk sauehald.

Det må verta høgare husdyrtilskott på meir enn 75 vaksne sauer. Det må verta grunn-tilskott på lam frå slakteklasse O og oppover om lamma er under 13 kg slaktevekt.

Vi må få ned tollsatsane på lammedrikke.

Det er ikkje bra at vi i Noreg ikkje klarer å produsere nok lam til forbruket her i landet.

Sigmund vert kvart år invitert til Rogaland Bondelag for strategi for jordbruksfor-handlingane. Det set han pris på.

Sigmund var skuffa over opplegget Sau og Geit har med forsikringsselskapet

Gjensidige. Dette må koma i orden.

Strategiplan for geit. Vi har fått lite tilbakemeldingar frå geitenæringa. Dei kan koma med innspel før Landsmøtet.

RSG hadde møte i Hjelmeland, Vikeså og Grinde i februar. Det var innlegg om sauekontrollen, ull og økologisk sauehald. Vi hadde håpa på større oppslutnad om desse møta. Ikkje mobb dei som vil driva med økologisk sauehald. Enkelte får dette godt til.

Vi må ikkje importere levande småfe frå utlandet. RSG vil oppfordra sauebøndene til ikkje å kjøpa småfe hjå dei som har importert levande dyr frå utlandet.

Lars Nevland, Helleland er valt inn i avlsutvalet i Rogaland med Brigte Slettebø som personleg vara. Fylkeslaget oppnemner representant med personlig vara til Region-utvalet for sau med funksjonstid 2 år.

RSG skal vera med på Agrovisjonen siste veka i oktober ved Stavanger Forum. Håpar sauefolket vil møta opp på Agrovisjonen.

Landsmøtet i Norsk Sau og Geit skal vera på Quality Hotell på Sola i Rogaland 21. og 22. mars. Det skal vera fagmøte om kvelden den 20. mars.

RSG har sendt inn forslag til personar som kan få Lykleprisen på geit eller saueprisen, nye prisar som skal delast ut på Landsmøtet.

Rogaland hadde også i år beste medlemsvervar i landet. Det er leiar i Egersund Småfelag, Jan Helge Havsvø. Vi må sjå om det er grendelag der det er lite med medlemar i sauelag i forhold til dei som driv med sau. Det er og viktig å ta vare på dei medlemane vi har.

Sigmund gav ros til Høiland Gard der vi hadde leiarmøte.

Dødpeilerprosjektet i Lund skal vidareførast i 2007.

Ove Ommundsen: Saueprisen skal heite Gromsau.

Husdyrforsikringsavtalen mellom Norsk Sau og Geit og Gjensidige er i orden.

Ola Jordebrekk: Fylkesmannen hadde midlar for utgifter til henting av småfe i område som ikkje var utleigd til småfe.

Nils Petter Aarrestad: Det var greit å få skrivet om jordbruksforhandlingane. Skrivet vert brukt vidare til Bondelag og Bonde og Småbrukarlag.

Leiar i Rogaland Bondelag, Arna Høyland.

Takka for samarbeidet med RSG. Vi får inn 40 forskjellige forslag til jordbruksforhandlingane. Innspela frå RSG vert brukte.

Rogaland Bondelag er opptatt av økonomien i sauehaldet.

Vi må få høgare målpris. NSG krev 5 kr. Nortura anbefaler 3 kr.

Beitetilskotta må hevast. Sauen gjer stor nytte som kulturlandskapspleiar.

Vi må stimulera til kvalitetsproduksjon på lam.

Arna var opptatt av rovdyrproblematikken. Vi må få ein meir seriøs rovdyrdebatt. Ho hadde sympati med dei som hadde store tap på grunn av rovdyr.

Økologisk sauehald er eit satsingsområde for småfe.

På grunn av dårleg økonomi går sauetalet i Noreg nedover. Det er fare for import av lammekjøtt i fleire år framover. Reglar for å ha brannvarsling når ein har meir enn 30 småfe er og med på at små bruk sluttar med sau.

Vi har og ein del spesialproduksjon innan småfe. I Rogaland er det mange bønder som har sau i tillegg til anna dyreslag.

Ove Ommundsen var glad for at Bondelaget ikkje ville arbeida for å få større sauebruk. Tal sauebruk går ned. Dei unge ser på økonomien til å driva med sau.

Sigurd Tysvær meinte og økonomien i sauehaldet var for dårleg. Avrekningsprisen på lammekjøtt har ikkje auka dei siste åra, men driftsutgiftene har auka.

Nils Petter Aarrestad: Det er for lite husdyrtilskott på vaksne sauer over 75 stk. Ca 620 kr opp til 75 stk og 113 over 75 til 200 stk er for stor forskjell.

Peder Ravndal: Marknaden må betala det økologisk lammekjøtt kostar.

Øyvind Bergøy hadde og problem med å forstå kvifor husdyrtilskottet over 75 dyr skulle vera så lågt. Vi har i dag god kjøpekraft og må nytta denne tida til å få opp prisane.

Gjermund Fiveland: Vi har brukt forslaga frå RSG til jordbruksforhandlingane. I Sauda har vi fått midlar til stølsoppdrag. Det viser at Staten vil noko med sau i heia. Vi må ta rovdyrproblematikken alvorleg.

Øyvind Bergøy: Har vore med på å få til stølsopplegg. Her er det pengar att.

Arna Høyland RMP i frå Fylket. Her går halvparten av midlane til distrikta. Dette er ei ordning som er komen for å verta. Det er for tida urealistiske mål når det gjeld økologisk husdyrhald.

Terje Taule: Vi må få godkjent heialamma som økologiske lam.

Arna: Regelverket for økologiske lam er EU-godkjente.

Jostein Seldal: Organisert beitebruk. Pengar til opphaldshyttar i samband med tilsyn og sanking av småfe og til gjerdehald kan vera vanskeleg å få tak i. Dette må inn i regionalt miljøprogram.

Nils Petter Aarrestad: Tida er inne for å få opp prisen på lam. Bør ein krevja det dobbelte for å få effekt?

Arna svarte at krava må vera realistiske.

Bjørn Høyland: 5 kr i tillegg pr kg for lammeslakt er lite på eit årsverk på sau. Sjå på forholdet lyst kjøt og lam i Noreg i forhold til andre land i Europa.

Knut R. Tunheim: Vi må sjå vidare. Sauen skal vera ein utmarksresurs. Den haustar store område på sommaren som ikkje ville ha vorte hausta av andre dyr. Sauen hentar rein fornybar resurs i utmark/hei/fjell.

Ola Jonny Espevold var positiv til at Rogaland Bondelag ville ha opp målprisen på lam. Vi må gjera noko med investeringane i sauehaldet.

Trygve Høines: På grunn av teljingsdato den 1. januar vert mange slaktesauer som kunne vore slakta om hausten føra fram til etter 1. januar. Teljingsdatoen burde vore flytta til 1. juli. Vi bør setja på fleire livsauer.

Sven Haugom frå Vest-Agder Sau og Geit.

Det er gildt å koma til Rogaland. Har hatt godt samarbeid med Sigmund Skjæveland. Rogaland og Vest-Agder Sau og Geit kan samarbeida om uttalar til Norsk Sau og Geit.

Årsmelding for år 2006. Gjennomgang av Jostein Seldal.

Kommentar og spørsmål til årsmeldinga.

Jostein sa at Forsand skal vera med i valregionen til Ryfylke.

Ola Jordebrekk spurde om ikkje utvalet med organisert beitebruk i Rogaland var nedlagd.

Ove Ommundsen svarte at det var nedlagd.

Jan Helge Havsø sa at Egersund Småfelag og hadde hatt auke i medlemstalet.

Med desse bemerkningane vart årsmeldinga godkjent.

Rekneskap for Rogaland Sau og Geit 2006 ved Leif Matnisdal.

Kommentarar og spørsmål til rekneskapen.

Peder Ravndal: Kvifor vert ikkje gåva til Særheim Verestasjon utbetalt?

Sigmund: Dette skal vera ei gåve til stasjonen, ikkje til drifta.

Rekneskapen vart godkjent.

Det var frå lokallaga ikkje kome inn saker til årsmøtet.

Arbeidsplan for 2007 ved Ole Jonny Espevold.

Ole Jonny gjekk igjennom arbeidsplanen og meinte vi bør ha fokus på medlemsverving og sauekontrollen heile året.

Kommentarar og spørsmål.

Ove Ommundsen: Det bør verta større aktivitet for lokallaga som t.d. kursverksemd.

Knut Tunheim: Lokallaga bør ha møte der Mattilsynet deltar. Vi må vera obs på reglar frå Mattilsynet.

Sigmund ville ha innspel på kor leiarmøte 2007 skal vera.

Sviktande fruktbarheit hjå sau. Kva kan årsakene vera?

Av veterinær Siv Meling.

Er det grunn til bekymring?

1 til 2 % av lamma er ufruktbare. Sauene må ha det mørkt om natta i paringstida.

Lamma må takast bort i frå mora minst 5 veker før paringa.

Ca 80000 lam i Noreg vert borte kvart år på grunn av kasting.

Ca 80 % av all kasting skuldast toksoplasmose.

Immuniteten mot toksoplasmose er ikkje livslang. Det finst vaksine i utlandet mot toksoplasmose.

Sjodogg.

Ofte over 41 i feber. Kroppstemperatur på rundt 40,5 grader i få timar vil kunna redusere sædkvaliteten i 5 til 6 veker. Det tar 6 til 8 veker å produsere sæd i ein ver. Flåtten er årsak til sjodogg.

Eitt lam treng ca 1 liter råmjølk første døgnet.

Kommentarar og spørsmål.

Kjell Steinar Løland: Rogaland Sau og Geit må ta kasting av lam på alvor og søkja om å få ta inn til landet vaksine mot toksoplasmose.

Siv Meling: Det vert diskutert om å ta inn vaksine mot toksoplasmose. Sauenæringa må sjølv ta initiativ til dette.

Øyvind Bergøy: Vi bør få til import av vaksine mot toksoplasmose.

Jostein Harboe: Åringar som ikkje vil ha lamma første året. Bør ein ha dei eit år til?

Siv meinte dei burde slaktast.

Sigmund Skjæveland: Brukar ein for ofte copersekt mot flått på lamma?

Vil dei då aldri verta immune?

Siv meinte at lamma burde koma i kontakt med bakterien flåtten overførte. Lamma ville ikkje dø berre av sjodogg, men i tillegg til andre sjukdommar.

Knut Tunheim: Vi må ha på copersekt på dei lamma som kjem i frå heia og som ikkje skal slaktast den første veka. Sau og Geit må setja press på å få inn vaksine mot tokso-plasmose.

Festmiddagen under årsmøte i RSG 2007.

Det var Sør-Jæren Sau og Geit som hadde ansvaret for opplegget under festmiddagen. Det vart under middagen utdelt:

Pokal til beste bukk gjekk til **Sissel og Jarle Thomsen, Østebø, Dirdal.**

Det var bukk 2003308 Gran med 110 i avlsindeks og 5 i avlsverdi jur.

Pokal til beste ver gjekk til **Torgeir Lima, Ålgård.**

Det var ver 200540789 med 146 i O indeks og 130 i S indeks. Veren er og positiv på alle delindeksane.

Berit Pettersen, Ålgård fekk diplom av Rogaland Sau og Geit for godt arbeid for sauen i Rogaland.

Referat frå årsmøtet laurdag 24. februar 2007.

Valet vart leia av leiar av valnemnda **Gunnar Emil Bokneberg.**

Valnemnda var på plass på årsmøte med unnatak av Lars Egil Bakka.

Det vart talt opp 52 personar med stemmerett.

Resultat av valet:

<u>Innstilling frå valnemnda</u>	<u>Valt</u>	<u>Tal stemmer</u>
Leiar Ole Jonny Espevold	Ole Jonny Espevold	51 1 blank
Styremedlemar:		
Alf Torstein Pettersen	Alf Torstein Pettersen	50 2 blanke

Arnhild Skjørestad Arnhild Skjørestad 50 2 blanke

Nestleiar Øyvind Bergøy Øyvind Bergøy Einstemmig

Varamedlemar til styret:

1. vara Per Johan Lyse Per Johan Lyse Einstemmig

2. vara Nils Petter Aarrestad Nils Petter Aarrestad Einstemmig

3. vara Peder Ravndal Peder Ravndal Einstemmig

Valte Landsmøtetsendingar:

Ole Jonny Espevold med Halgeir Rønnevik som vara.

Leif Matnisdal med Jarl Nord-Varhaug som vara.

Øyvind Bergøy med Nils Petter Aarrestad som vara.

Arnhild Skjørestad med Peder Ravndal som vara.

Alf Torstein Pettersen med Guttorm Gudmestad som vara.

Per Johan Lyse med Knut Sveinung Kleppa som vara.

Sigmund Skjæveland med Egil Svela som vara.

Godtgjersle til tillitsvalde:

Det vart etter innstilling frå valnemnda vedtatt å auka godtgjersle til kasserar frå 13000 kr til 15000 kr. Dei andre tillitsvalte skal ha lik godtgjersle som i 2006.

Ny valnemnd for Dalane.

Kirsten Selebø, Hauge i Dalane med Knut Tunheim, Moi som vara.

Ny valnemnd for Nord Rogaland.

Arne Frøystad, Haugesund med Halgeir Rønnevik, Vikedal som vara.

Ole Jonny Espevold takka for tilliten med å verta valt som leiar.

Han takka Sigmund Skjæveland for innsatsen han hadde gjort som leiar. Sigmund fekk ros for korleis han takla ulvesaka. Det vart sagt at Sigmund er ein lun og god person.

Sigmund fekk overrekt krus og sølvskei frå RSG.

Sekretær Ove Myklebust takka og Sigmund Skjæveland for godt utført arbeid som leiar i Rogaland Sau og Geit. Sigmund har vore grei å samarbeida med.

Sigmund Skjæveland sa at åra i styret og som leiar har vore ei gild tid. Det var 7 år sidan han vart valt inn i styret. Dei siste 5 åra har han vore leiar. Sigmund var nøgd med at Ole Jonny Espevold vart valt som ny leiar.

Nestleiar Jostein Seldal som sluttar i styret fekk overrekt krus og sølvskei.

Jostein sa at det hadde vore gildt å vera med i fylkesstyret. Han håpa at han hadde gjort nytte for seg.

1. vara Kirsten Selebø fekk og overrekt krus for sin innsats i styret.

Ivar Kvinlaug frå Kvinesdal presenterte ein delegasjon i frå Transylvania i Romania. Kvinesdal og Hægebostad har eit prosjekt i Transylvania i Romania på korleis dei kan hjelpe bøndene der. Ei av oppgåvene vert å få bøndene til å samarbeida. Dei har fått kjøpt slaktelinja for småfe som stod i Granvin. Delegasjonen er no i Noreg for mellom anna å sjå om det er aktuelt å importera verer av Norsk Kvit Sau til Romania. Dei skal rundt i Rogaland på gardsbesøk både på søndag og måndag.

Fylkesmiljøvern sjef Odd Kjos-Hansen.

Gjeldande praksis for rovdyrerstatninga.

Vi har forskrift om forvaltning av rovdyr. Formål: Sikra heilskapleg og bærekraftig forvaltning av rovviltetatanane.

Vi har rovviltregionar: Vest-Agder, Rogaland, Hordaland og Sogn og Fjordane er i region 1. Ein har regional rovviltnemnd. Vi har eit visst samarbeid med Mattilsynet. Vi ser på om tapet skuldast rovdyr, sjuke dyr eller uhell. Fylkeskontaktorgan kan skipast dersom det er behov.

Nasjonale bestandsmål for kongeørn er 850 til 1200 hekkande par.

Bestandsmål for region 1 er at bestanden på 40 par kongeørn skal oppretthaldast. Det skal ikkje vera ynglingar av dei store rovpattedyra i region 1.

Vi har førebyggjande/konfliktdepande tiltak. Det vert sett inn Landbrukspolitiske virkemidlar til for eksempel organisert beitebruk. Vi har forskrift om erstatning for tap og kostnader når husdyr vert drepen av rovvilt. Sauebøndene må kunne leggja fram skadedokumentasjon. Dei må gje beskjed til rovviltkontaktane som kjem og ser på skaden/drapet og prøver å sei noko om årsaka.

Felling av rovdyr.

Her er det aktuelt med opplæring i fellingslag.

Erstatningsoppgjeret i 2006 viser at det i Rogaland vart tatt 12 småfe av gaupe, 14 småfe av kongeørn og 1 småfe av freda rovvilt. Gaupa tar strupebitt. I Rogaland vart det utbetalt kr 117 000,- for 92 lam.

Kva vert erstatta?

Som regel alt tap utover normaltapp. Tap knytt til kjente problemområde.

Kva er normaltapp? Tapsstatistikk dei siste 5 åra vert lagt til grunn.

Normaltapp på beite i t.d. Suldal og Bjerkreim er 2 % sau og 5 % lam.

Tapet på beite er i Sokndal og Lund 3 % sau og 7 % lam. Dei som ikkje er med i organisert beitebruk har 1 % høgare tap enn dei som er med i organisert beitebruk.

Øyvind Bergøy sa at frist for å søkja om rovdyrerstatning var 1. nov. Dette må verta kjent. Det kan og verta svinn til rovdyr etter 1. nov. Eg har rede på 4 medlemar i eit beitelag som har rundt 10 % svinn på beite.

Kjos-Hansen Sauebøndene må følgja med på kva tid fristane er. Å ha ein frist på 1. november er for å få ut pengane til bøndene same året, men vi stekker oss ut over fristen for at sauebøndene skal få den erstatninga dei har krav på. Flest mogleg må søkja innan fristen. Det går an å søkja i fleire omgangar. Erstatninga er ca 1000 kr pr lam. Sau vil verta erstatta med ein grunnverdi + livdyrverdi.

Jostein Seldal sa det var problem med dokumentasjon på kva som var årsaka til at sau og lam dauda. Det er problematisk at dei hjå Fylkesmannen i Rogaland tolkar reglane ulikt i forhold til Vest-Agder.

Øyvind Bergøy sa at med det varme veret i sommar var det vanskeleg å dokumentera tapet. Opplevde krava som umogleg å leva opp til. Går det endå an å koma med erstatningar for rovdyrtpap i 2006?

Kjos-Hansen: Har ein hatt tap i 2006 kan ein framleis søkja. Fristen for å søkja erstatning burde Sau og Geit gått ut med.

Sigmund Skjæveland sa at landbrukskontora har skjema for å søkja erstatning for tap av småfe til rovvilt.

Kjos-Hansen: Dei som kjenner til reglane må gjera dei kjent. Framleis frist 1. nov., men kan og søkja erstatning etterpå.

Knut Tunheim: Eg er med i eit beitelag og har lite tap sjølv. Legg ein ved søknad til grunn bonden sine tap dei siste 5 åra eller tapa i beitelaget. Dei fleste dyra forsvann frå ein måndag til fredag.

Kjos-Hansen: Det er Skåtan som har fått ansvaret for å dokumentera tapet.

Styremedlem i Norsk Sau og Geit, Ove Ommundsen.

Medlemsutviklinga i Norsk Sau og Geit. Det har det siste året vore ein nedgang på 4,5 % på Landsplan. Rogaland har no 1992 medlemar. I Rogaland er det 910 saueprodusentar som ikkje er medlem i sauelag.

Vi må snu utviklinga når det gjeld lønnsemda i sauehaldet. Tal bruk som driv med sau og tal vinterføra sauer går ned. Målprisen bør aukast med 5 kr og vi bør få ein auke på 80 kr i beitetillegg.

Rovviltneemdene må få tid til å gå seg til.

Vi må ha eit nært samarbeid med Jeger og Fisk og med turistnæringa.

Mattilsynet skal ha eit prosjekt i 7 fylke der ein i 10 % av besetningane skal prøva å finna årsakene til tap av lam.

Rovdyrkostnadane må koma på miljøverndepartementet sitt budsjett.

Det er skote 40 jerv av ein kvote på 90 jerv. Miljøvernministeren er tøff til å ta ut skadedyr. Det er jerven som er det mest problematiske skadedyret.

Setesdal/Sirdalsheiane er ei hei med for høgt beitetrykk. I område der det er passeleg beitetrykk med sau er det meir ryper enn der det ikkje er sau.

Avtalen med Gjensidige Forsikring er i orden.

10 % rabatt på husdyrforsikringa på Sau og Geit.

5 % rabatt på forsikringa på hund.

Oppgje at du er medlem i Sau og Geit.

Kjos-Hansen: Det er viktig at alle sauebøndene er organiserte.

Nils Petter Aarrestad: Kven bestemmer at kontingenten skal stiga?

Ove Ommundsen: Det er Landsmøte som fastset kontingenten.

Øyvind Bergøy: Kontingenten er for høg for mange.

Jan Helge Havsø: Brevet om verving som kom ut var bra.

Leiar av Landsrådet for saueavl Bjørn Høyland.

Vi må ta vare på dei små sauerasane. Smårasane som er med i sauekontrollen vil få same tilskott pr dyr som dei som er med i vereringane. Pengane skal delast ut til laget.

Sigmund Skjæveland takka for eit vellukka årsmøte og overrekte blomar til Øyvind Bergøy som på kort varsel leia årsmøtet og til Erik Skretting frå Sør-Jæren Sau og Geit som stod for årsmøtet.

Ove Myklebust

Svein Varhaug

Ola Jordebrekk

Referent

Sign.

Sign.

[Tilbake](#)

